



Universitätsbibliothek Paderborn

**Vita S. Erphonis, Mimigardefordensis Avt
Mimmigernefordensis Nvnc Monasteriensis Episcopi, In
Ordine & Nvmero Septimi Decimi**

Boichorst, Albert

Monasteri[i] Westphaliae, 1649

Capvt XII. De reditu S. Erphonis è Terrâ Sanctâ ad Episcopatum suum
Mimigardefordensem, nunc Monasteriensem, & de Sigillo ipsius.

urn:nbn:de:hbz:466:1-13197

ram inconsideratè, immodestè, & indiscretè de Reliquijs Sanctorum losurum esse, nemo mirari debet.

Assertam & stabilitam de Venerandis Sanctorum Reliquijs veritatem, vltius videre & legere cupientem, ad Bellarm. Cardinal. tract. de Sanctor. beatitud. & Sanctorum Reliq. nee non Turanum Vekiti Iuris Vtriusq; Doctorem, qui principales fidei nostræ controværsias, doctè & fundamentaliter idiomate Belgico pertractauit, in memoriali suo Catholico, lib. 3. cap. 7. per tot. & specialiter art. 7. breuitatis ergo remittere debo.

CAPUT DODECIMVM.

De reditu S. ERPHONIS è Terrâ Sanctâ ad Episcopatum suum Mimigardefordensem, nunc Monasteriem, & de Sigillo ipsius.

DE S. nostri reditu aliquid superiori capite attigimus, quibus addere debuimus, quæ de eius itinere & reditu refert Crantz. in Metropol. lib. 5. cap. 29. nimicum sequentia, Erat hic Pontifex nepos sui Pradecessoris Friderici, quem ex Marchonibus Misnie ortum ferebant, ordine 17. in hac Ecclesiâ, unus ex his qui cum Dudone 1. Episcopo Leodienst. & Godefrido Duce Bullionis ad exhortationem Urbani Pape Secundi, cum magna expeditione populi Christiani mare transferunt, & Antiochiam cum Civitate Hierosolymâ receperunt. Reuersus est hic Pontifex voti compos factus, & Ecclesiam suam multis post Annis sœliciter gubernauit, bonoq; fine consummatus, bonus Christi miles, Pastorq; plebis emigravit, 2. Sepultus apud S. Mauritium extra muros. In huius Sigillo quod hodie adhuc exstat scriptum cernitur, ERPHO EPISCOPVS MIMIGARDEFORDENSIS. 3.

NOTÆ

AD CAPUT DODECIMVM.

1. De Dodone, Dudone aut Odone Episcopo Leodiensi & manuscripta quadam mentionem faciunt; fuisse autem tum temporis Episcopum Leodiensem appellatum Obertum, Henrici Frimi 54. Episcopi, qui Anno 1090 hic Monasterij fuit, Successorem, & neq; illum Cruciatæ nomen dedisse, aut cum istâ expeditione in Terram Sanctam iuisse, Aegidius aurea Vallis Religios. apud Chapeauville in historiâ Leodiensi cap. 13. & cap. 16. manifestum facit, ut curiosus Lector ibidem laius videre poterit.

2. Habet quidem rubeus liber insignis Collegij Mauritianî, Anno 1492. conscriptus,


ptus, quod S. ERPHO Monasteriensis Præsul, in Terrâ Sanctâ fæliciter exceperit, ac cum magnis Reliquijs, quas S. Mauricio donauit, delatus sit, ad illam Ecclesiam & Canonicam congregationem, quam secum Fridericus Marchio cognatus suus datus, & sepultus sit, extra Ecclesiam versus Occidentem in Cœmiterio, vbi modo Sacellum in eius honorem erectum & Ecclesia annexum est, supra tumulum, modo magnificè de Anno 1492. sculptum. Ego autem illud, quod de obitu eius in Terrâ Sanctâ ibidem afferitur, valde incertum, imò contrarium magis verum esse statuo, tum quod idem liber sol. 24. pag. 1. sub Lit. E. habeat sequentia; Othmari Abbatis 16. Nouembr. Hoc die est Aduentus Sanctarum Reliquiarum, quas dedit Episcopus ERPHO S. Mauricio, vii in antiquissimo Ecclesia nostræ Martyrologio signatum est, quorum Festum peragetur Dominica circa Margarethæ. Quod si itaq; eodem die, & tempore Corpus S. ERPHONIS allatum foret, illud etiam in antiquissimo illo Martyrologio absque dubio notatum fuisset, de quo tamen describens nullam facit mentionem, tum quod quoad Annum, & alia nonnulla error in illud manuscriptum irrepserit, vii alibi probatum est, ac ita facillimè in alijs idem contingere potuerit, tum quod si communii Historiorum sententia inhærendo, statuere velimus, expeditionem in Terram Sanctam Anno 1096. contigisse, & Anno 1097. in eiusdem principio, vii manuscripta & impressa quædam habent, Theodoricum à VVintzenburgh S. ERPHONI successisse, obitus eius contingere debuerit, antequam Christianus exercitus Terram Sanctam intravit, ille enim in Martio Anno 1067. Helleponum transiit, uti habet VVilhelmus Tyrensis, quo casu verum esse non potest, quod in Terrâ Sanctâ S. ERPHO mortuus sit, tum denique quod hic error libri rubei inde prouenire potuerit, quod Sanctus noster forse ea in re, cum Otthono Monasteriensi Episcopo è Benthemensi stirpe, confundatur, bunc enim itidem Terræ Sanctæ peregrinum fuisse, ac ibidem decepisse ex historijs notum est.

Hæc & inferius notata, sunt que me mouent, vt sententie Crantzij hac in parte adhæream, alijs quid de hac re sentire velint, liberum relinquent. Quod autem afferitur S. ERPHONEM primo in Cœmiterio sepultum, & postmodum Sacellum in honorem eius, tumulo superimpositum esse, id ob frequentia, que ibi contigerunt miracula, & inde subsecutas frequentes & votivas oblationes, factum existimo.

3. Crantziū secutus esse videtur Petr. Merseus Cratepol. Minorita, apud quem in Catalogo Episcoporum Monasteriensium de S. nostro sequentia habentur. ERPHO superioris, Friderici inquam, nepos, sanguine Magnopolensium, Vir Nobilis & sincerus, inde creatus est Episcopus. Profectus hic cum alijs multis Germanie Episcopis ac Principibus, exhortatione Urbani Secundi, cum Godefrido Duce Buxtonis ingenii expeditione in Palæstinam, vbi Antiochia, & Hierosolyma ac alijs locis potiti sunt. Inde reuersus fæliciter Ecclesiam suam multis Annis optimè rexit, bonum ac fidelem Christi militem ac Pastorem

se declarans, qui bono fine hinc migravit Anno Domini 1099. à morte ad S. Mauritium sepultus est. Quod autem asserit S. ERPHONEM Anno 1099. bono fine hinc migrasse, in eo quoad Annum erratum est: illo enim Anno in Iulio, capta est Hierosolyma, quā deum captareuersum esse, ipse auctor astruit. Itaq; non potuit redux multis Annis Ecclesiastam suam opimè rexisse, si illo Anno mortuus est; tenenda erit igitur sententia, quam hoc capite, & alibi stabiliuimus.

4. Hac Sigilli inscriptio, distat ab eā, quam in ipsis Originalibus circumscriptam vidi & legi;
Est autem talis,



Ipsum Sigillum gypso impressum, est Episcopus mitratus, cum reliquo habitu Episcopali, dextrâ pedum, leua librum clausum gestans, ac præterea in illo nihil inuenitur.

CAPUT DECIMVM TERTIVM.

De die & Anno obitus S. ERPHONIS eiusque sepulturâ, & quæ ac qualia miracula post mortem, ad tumulum ipsius contigerint, Item quod à trecentis & ultra Annis Sanctus auctoritate Episcopali habetur, & veneratus fuerit, nec non de deuastatione eius monumenti per Anabaptistas factâ, eiusq; postmodum restauratione.

QUOVÈ Anno, quamuis de die, nimirum 9. Nonemb. ex suprà allegatis, iam constet, obitus eius, & emigratio ad Dominum contigerit, ferè nihil certi, Annum speciatim designando, tradi potest. Existimat quidem Dominus Doctor Ioannes Gigas, piæ memoriae, Vir Eruditus & inter doctos sui seculi minimè postremus, in Catalogo, quem edidit, Episcoporum Monasteriensium, Theo-